

2013-imut Nunatta Karsiata naatsorsuutaasa akuersissutigineqarnissaaninik siunnersuut.

(Aningaasaqarnermut Aatsitassanullu Naalakkersuisoq)

Siorna upernaakkut pisarnej malillugu Naatsorsuutit 2013-imeersut suliarineqarput aappassaaniigassanngorlugit siorna ukiami ataatsimiinnissaraluamut. Tamannalu ilisimasatsituut pinngilaq qinersinissaq suaarutigineqarmat, taamaattumik suliaq nutaamik aallarteqqittariaqarluni.

Qinersinermilli suaaruteqarnej aamma Kukkunersiuinermi Ataatsimiititaliap suliaanik tunngaveqarpoq, tassami Naalakkersuisut aningaasanik atornerluisimanerannik paasisaqarlutik Kukkunersiuinermi Ataatsimiititaliaq saqqummiussivoq, Naalakkersuisut tunuarnerannik kinguneqartumik, taamaattumik aamma maluginiarneqanngitsoorunangilaq tamanna pisimasoq Naalakkersuisunit uani ilanngunneqarsimangimmat.

Kukkunersuisut aalajangersimasumik suliaaseqarput aammalu nunatta karsiata kukkunersioartarnera kukkunersuisarnermi tunngavissat malillugit suliarineqartarpoq, taamaattumik Kukkunersuisut uparuagassartaqanngitsumik naatsorsuutit saqqummiunnikuugaluaaraat Kukkunersiuinermi Ataatsimiititaliap aappassaaneernissaminut naatsorsuutit ”kumaarlugit” misissoqqissaarangamikkit uparuagassat arlallit ilaatigut isumaliutissiissusiornerminni saqqumiuttarpaat, taamaattumik annertunerusumik oqaasertalinngikkaluarlugit Kukkunersiuinermut Ataatsimiititaliamut aappassaaneernejannginnerani sukumiisumik suliarineqarnissaat Partii Naleqqamiit kissaatigaarput, ilaatigut makku maluginiaqquutigalugit:

- Siunnersortinik avataaneersunik atuinermi aningaasartuutit annertuut.
- Peqqinnissaqarnermi (aningaasanut inatsimmut ilassutit ilanngunnagit) sippuisaqattaarnerup ingerlaannarnerata takutippaa missingersuerialaatsip nalilersoqqittariaqarnera. Sualummillu napparsimasunik angallassinerep aningasartuutaanerata ukiorpassuarni qaffasissorujussuunera.
- Anigaasartuutikillisaanissap aningaasameerup nalaani pisariaqarluninarnera – tassanilu ingerlatsinermi kukkunersuisoqarnissaanik pisariaqalersitsineq, atorluaanerulernissamut avaqqukkuminaappoq.

- Aamma eqqaamasariaqakkatta ilagilluinnarpaat suliffissaaleqisut tigussaasumik ikilisaaffiginngikkutsigit akileraarutigut isertittakkatta aamma appariartuinnarnissaat naatsorsuutigisariaqarparput, soorlu aamma tamanna Naalackersuisut maluginiarsimagaat.

Aningaasameeruttorneyup nalaani kikkut tamaasa ileqqaarnissamik oqqersoqattaarnerani aamma uagut Inatsisartut maligassiuilluarnissatsinnut piffissanngorunarpoq, tassami Ataatsimiittarfissuarmik nutaamik eqqartuiniarlutalu allaffissornermilu aningaasartuutit qissimingaartuartariaqarpagut, maanilu nersussuurtut illernartutut nalilersoqqusaanngittutut inissisimaannassagaluarutta ajornaqaaq.

Aamma aningaasartuutit angusanut naapertuunnersut ilanngullugit eqqartorsinnaasariaqarpagut, taama Partii Naleqqamiit eqqartueqataarusuppugut.

Taamatut oqaaseqarluta Kukkunersiuiinermut ataatsimiittitaliaq aappassaaneerinninnissamut sulilluarnissaanik kissaapparput.